



# **Universitätsbibliothek Paderborn**

## **Exemplorvm Libri Tres**

Liber Primvs Siue Vis Et Virtvs Exemplorvm, Hoc est, Solatia Et Docvmenta  
- Hæc Moribvs, Illa Temporibvs Nostris Adhibita

**Stengel, Georg**

**Ingolstadii, Anno M.DC.L.**

Caput IV. Vilesdere sibi facilè eos, qui exempla Sanctorum suis bene gestis  
opponunt, & exaduersum estimant.

[urn:nbn:de:hbz:466:1-48162](#)

10. Cap. IV. Exemplis Sanctorum non malorum utendum.

nus : sed ideo Phariseus vituperandus, quia Publicanus fuerat excusandus. Sed maluit illum accusare, ut se posset laudare. Hinc ranam imitatus, in templo non orauit, sed coaxauit.

C A P V T IV.

Viles cere facile sibi eos, qui exempla Sanctorum suis bene gestis opponunt, & exaduersum estimant.

I.

Iac. 5. 19.



Via magna est in exempla pronitas, eaque non sunt omnia utilia, delectus haberi debet. Igitur exemplum accipite, fratres, exitus mali, laboris, & patientia, non homines delicatos, qui mellibus vestiuntur, & epulantur quotidie

Luc. 19. 10. splendide : non impios & facularia dumtaxat desideria sequentes : non otiosos, non pigros : sed Prophetas, qui locuti sunt in nomine Domini, sed Patriarchas, sed alios veteris & noui Testamenti sanctos heroës, qui nobis per huius Mundi tenebras clarissimam exempli sui facem prætulerunt. Multas & graues patimur ab ho-

Thom. de Kemp. lib. I.  
de Imit. c. 18.

ste tribulationes ? O quam multas & graues, multoque plures & grauiores tribulationes passi sunt Apostoli, Martyres, Confessores, Virgines, & reliqui omnes, qui Christi vestigia voluerunt sequi ! Nam animas suas, in hoc mundo oderunt, ut in eternam vitam eas possident. Depauperati sumus, & spoliati ? in fame cibum, in siti potum, in frigore ligna, in nuditate vestimenta non semper habemus ? Exemplum accipite, fratres : Sancti & amici Christi, Dominos servierunt infame, & siti ; in frigore & nuditate, in labore & fatigione ; in vigilijs & ieuniis, in orationibus & meditationibus sanctis, in persecutionibus & opprobriis multis.

II.

Thom. de Kemp. ibid.  
Luk. 17. 20.

Cui non superbiam domet, si sua opera, iuxta opera Sanctorum expendat ? Magnam nonnulli rem se præstare putant, si tota Quadragesima carnis abstineant ; idque etiam quosdam, tamquam Arguum clypeum abstulerint, audimus jactitantes, dum aiunt : Deo laus, tota hac Quadragesima carnes non gustauit ! Inutilis serue, quid te jactas ? quod facere debuisti, fecisti. Lege vitas Sanctorum, & inuenies multos, qui tota vita suâ carnis abstinuerunt, leguminibus, vel radiculis contenti. Alij gloriantur, ter se in hebdomade jejunasse ; cum quotidie debuissent,

sent. Hi exempla Sanctorum euoluant, inuenient, qui vix ter  
in hebdomade comederunt. Ita in vitis Patrum Alexandrinus  
ille Macarius septem annis sine cocto edulio, sine omni somno  
dies virginis, quadragintadiejejunium sine omni cibo transegit;  
nec tamen est gloriosus. Sunt qui inter bona opera sua ascribant,  
die Veneris, vinum se nullum bibisse. Postquam scilicet, per reli-  
quos omnes dies hebdomadæ, vino se, ut Comici verbo utar, usque ad supremum guttarem, hoc est, usque ad satietatem & vo-  
mitum inebriauerunt. Eant hi, & Ioannis Baptiste encomia re-  
colant, inuenient eum, tota sua ætate vinum & siceram non bibisse.

Luc. 1. 15.

Quidam magis sibi placent, quām Peleus in machæra, si ad  
vnam diem cilicio carnem stringant; si flagro iactus aliquot, &  
quidem admodum clementer sibi incutiant semel in hebdomade.  
O quantum est istud, si Ioannem intueantur! qui non equinus,  
sed camelinis pilis induitus, propemodum echino horridior, Cili-  
cium numquam exuit! Si Paulum contemplentur, qui cum Da-  
uide, non tantum in sustinendas res aduersas, sed etiam verissi-  
ma in flagella paratus, corpus suum virgis, loris, flagris acerbissimè  
castiganit! Si Ignatium aliquem considerent, qui vili tegumento  
ex tela tectus, baculo armatus, fune præinctus, nudo capite & pede  
altero, cæli solique iniuriam sustinebat, ac ter se præterea diebus sin-  
gulis acriter verberabat, septem horas in oratione, fixis humi genibus  
penebat; idq; magno studio & ardentí. Missa sacrificio, Vesperarumq;  
& Completorij precationibus intererat, ex eaq; re magnam capiebat  
animo voluptatem. Cogebat quotidie stipem, aqua & pane vitam tole-  
rabat, carnis vinoq; ( Manresa ) semper abstinentis, omnibus diebus,  
praterquam Dominico, jejunans, humi cubitans, noctis maximam  
partem vigilans, denique tam impensè corpus suum in seruitutem re-  
digens, ut quidquid delectationem ullam corpori posset adferre, studiosè  
refugeret.

Psal. 37. 18.

1. Cor. 9. 27.  
Petr. Ribadi  
lib. 1. Virtus S.Ignat. cap. 4.  
& 5.

Heu me miserum! quomodo me de meis jeunijs, asperitati-  
bus, orationibusque efferam, si talia video Magistrum meum.  
fecisse? Quām longè adhuc absum ab his, alijsque eius exemplis?  
Tantum abest, si hæc talia perpendo, ut me nimium laboris, pa-  
tientiz, asperitatis habuisse existimem, ut etiam videam, in me  
plurima desiderari; immò ut desiderare debeam, mihi quotidie

IV.

*Cap. IX. Exemplia Sanctorum non malorum utendum.*

ad labores, ad vigilias, ad inedias, ad tribulationes, ad cæteras  
cruces addi. Quantum additur ad laborem, tantum additur ad  
mercedem: eoque plus addi posse video, quod plus deesse animad-

*Iob. 33:27.* uerto. *Respicit homines*, id est, sanctos, & hominis nomine dignos,  
& confusione plenus dicit, peccanti, ait Iob. Sicut enim pauperes

*S. Greg. l. 24.  
Mor. c. 9.* tum clarius suam inopiam agnoscunt, cum amplissimos Princi-  
pum thesauros aspiciunt, ita, teste S. Gregorio, anima nostra tum  
magis se demittit, cum præclarissima aliorum, & quidem homi-  
num exempla cernit.

V.

*S. Hieron. in  
vita S. Pauli  
primi Eremitæ.* Quod, ut scribit S. Hieronymus, Antonio Abbatii contigit,  
à visitatione S. Pauli primi Eremitæ redeunti; itemque magno  
illi Macario, ut de eodem legimus, qui conspecta aliorum Re-  
ligiosorum eximia sanctitate, demittere sese satis non potuit.

Nam, ut Antonius à Paulo reuertens obuiam procedentibus di-  
scipulis, & vbinam fuisset, interrogantibus, multo cum fletu re-  
spondit: *Ab me miserum peccatorem, qui non nisi umbra Monachi,*  
& falso Religiæ nomine glorior. Vidi Eliam, vidi Ioannem Baptistam  
in deserto, cum vidi Paulum in Paradiſo: Ita Macarius ab exteris  
Monachis redux, apud suos assidue plorans dicebat: *Vidi Mona-  
chos, vere Monachos: non sum ego Monachus, ut qui nudum dumta-  
xat Monachi nomen geram.*

VI.

In libro sententiæ & apophthegmatum Patrum, etiam  
de B. Antonio istud memoratur; eum longo iam tempore Deo  
ardentissime famulatum, cum jam plurima meritorum collegi-  
set, deque eo thesauro haud temere sperare potuisset, aliquando  
in cella sua diuinis precibus vacantem, id meruisse, ut in virtute  
cresceret, ac merita meritis cumularet. Quod quia aptius fieri  
non potuit, quād si cresceret in humilitate, eiusmodi vocem  
audiuit de celo venientem: *Antoni, nondum ad mensuram coriarij,*  
*qui Alexandria est, peruenisti.* Accepta hac voce, venerabilis &  
propè tam hominibus, quād Angelis de virtute notus senex con-  
stituit illico ad coriarium proficisci, ut mensuram pietatis, quæ  
sibi deesset, corād intueretur, ad eamque sese disceret extendere.  
Vbi primū ergo diluculauit, baculo seniles gressus adiuuante,  
quantum per vires licuit, Alexandriam contendit. Ibi cùm quæ-  
sumum hominem inuenisset, ad eum in domum ingressus est. Num-  
quam

*Cap. IV. Exemplis Sanctorum non malorum utendum.*

quam vel sanctior curiositas, vel generosior humilitas conuenere. Nam coriarius aspecto, intra suum limen, tanti nominis viro, cuius se presentia indignum rebatur, attonitus, & ad silentium est stupefactus, ipsa silentij veneratione hospitem salutans. Ad quem Antonius, Relicta, inquit, solitudine, adsum, ut opera, quae facis, intelligam; ea igitur mihi cupio recenser. Compendioso Coriarius responso satisfecit intelligenti. Nam dixit: *Nescio me aliquando boni aliquid perpetrasse. Unde ex cubili proprio manè consurgens, antequam in opere meo resideam, dico, quod omnis bac ciuitas, à minore usque ad maiorem ingrediatur in regnum Dei, propter iusticias suas; ego autem solus, propter peccata mea, paenam ingrediar semper eternam. Quod verbum etiam antequam quiescam serò, ex cordis mei recenso eo veritate. Quæ verba exemplo tam salutari pectus S. Antonij confoderunt, ut diceret: In veritate, fili, sicut bonus artifex sedens in domo tua, cum regnie regnum Dei adeptus es: ego autem, velut sine discretione, omne tempus meum in solitudine conservatus, necdum verbi tui assumpsi mensuram.*

Nempe sicut stellæ lucidissimæ apparere desinunt, ad solis claritatem; ita virtus minor sese abscondit submittitque, cùm incidit in maiorem. Quanta autem virtus fuerit Coriarij, ex corde veritate, ita manè ac vespere non ex desperatione, sed compensationis hypothesi precantis, nōrunt omnes, qui nōrunt, quād difficile sit, in tanta ciuitate, omnes non solum pro sanctis habere, sed etiam sibi anteponere, & se in tanta morum innocentia, inferno dignum judicare. Nouit sanè Antonius, qui ingenuè dixit, se ad eam mensuram nondum peruenisse. Quantò magis id mihi, meique similibus dicere conueniet, exempla & hæc, & Prophetarum, & Patriarcharum, & Confessorum, & Martyrum, aliorūque innumerabilium Sanctorum seriā cogitatione considerant. Scilicet, quemadmodum *Apposita incurvos ostendit regulæ mores*, ita magis agnoscimus nostri spiritus paupertatem, quando diuini thesauri diuitias in alijs intuemur.

VII.



B 3

CAPVT